

nuntiavit omnia abbat. Veniens autem abbas cecidit super eam, et ejulans dicebat: Euphrosyna sponsa Christi, et filia sanctorum, ne obliviscaris conservorum tuorum et hujus monasterii, sed ora pro nobis ad Dominum Jesum Christum, ut faciat nos viriliter certando pervenire ad portum salutis, et portionem habere secum et cum sanctis suis. Et jussit ut congregarentur omnes fratres, ut cum honore debito sanctum corpus illius sepulturae tradiceretur. Dum autem congregati aderent, et vidissent tam stupendum miraculum glorificabant Deum, qui etiam in femineo sexu fragili tanta miracula operatur. Quidam autem frater unum habens oculum, osculatus est vultum ejus cum lacrymis, statimque ut eam tetigit, oculus ei restitutus est. Et videntes omnes fratres qui aderant hoc quod factum est benedixerunt

A Deum, gratias agentes ei cujus sunt omnia quae bona sunt. Multumque confortati et edificant, sepelierunt eam in monumento patrum. Pater vero ejus omnia quae habuit, in ecclesia et xenodochio et monasterio offerens, conversus est in eodem monasterio, et plurimam partem substantiae sue ibidem offerens in eadem cella ibidem dormitus est, in eodem psalchio (7) dormiens in quo Euphrosyna.

Vixit autem Paphnutius in sancto proposito annos decem, et emigravit ad Dominum: iuxta Aliam suam sepelierunt eum glorificans Deum abbas eum omni **368** congregatione. Dies autem migrationis eorum ad Dominum celebratur in eodem monasterio usque in presentem diem, glorificantes Deum Patrem, et Filium, et Spiritum sanctum, cui est honor et gloria in secula seculorum. Amen.

ROSEYDI NOTATIO.

(1) *Euphrosyne.*] Martyrologium Romanum, 1 Januarii: « Alexandriæ depositio sanctæ Euphrosynæ virginis, quæ in monasterio virtute abstinentia et miraculæ claruit. » Menologium Græcorum, 23 Septembribus: « Natalis sanctæ matris nostræ Euphrosynæ, beati Paphnutii Ægyptii filiæ. » Menæa, 23 Septembribus versibus ininde Vitam breviter exprimunt.

Galesinius, notat. ad Martyrol., ait hanc etiam ab aliis dictam *Euphrasiæ*, ejusque mentionem esse apud Damascenum in extremo tertio libro de Imaginibus. Recte quidem *Euphrasie* seu *Euphrasiæ* apud Damascenum mentio, sed non *Euphrosynæ*, quæ ab illa diversa est. Dies autem natalis *Euphrasie* occurrit 13 Martii. Vide hic paulo ante in *Euphrasie*.

Euphrosynæ Vitam habet per Metaphrastem apud Lipsianum, tom. VI, et Surium, tom. I. Hæc quamdam hancenam inter Vitas Patrum sicut circumdata. Comparavimus eum cum veteribus editionibus et Ms.

(2) *Paphnutius.*] Menologium Græcorum, 23 Septemb. « Eodein die commemoratione beati Paphnutii, patris Euphrosynæ, » la Menæis eodem die de eodem.

(3) *Ptochia.*] Mita hic variotam librorum lectio. Pieraque editiones habent *tapetia*, ineptissime. In manuscripto Audomarensi erat *topchia*. Indubie p transponendum legendumque *ptochia*, πτωχεῖα, id est *pauperum domus*. Solent subinde Latini auctores Græcis *vocabulis uti*, cum Latina *versio* commoda non occurrit.

(4) *Hierocomia.*] Ita Ms. Berlinianus. Prima *editio*, *ierocomia*, quod ortum ex *scriptione hierocomi*. Intellegi *hierocomia*, ubi curantur, qui *sacra mœbi*, *tapetia*, laberant.

(5) *Tunicam schematis.*] Σχῆμα Græcis monachi habitus. Vide *Onomasticon*.

(6) *Jactari in faciem ejus* nomen, ita nunc exanimatis frigida effondi cotila. *Supro*, *Vita Euphrasie*, cap. 22. « aquam in faciem ejus misit. »

(7) *In eodem psalchio.*] Ms. Berlinianus: in eadem phisiata. Edili, in eodem strato. Recta lectio psalchium, id est maltaea, ut iam sepe dictum. Vide *Onomasticon*.

OCTOBRISS XXIX.

VITA

SANCTÆ MARIAE MERETRICIS⁽¹⁾, NEPTIS ABRAHÆ EREMITÆ.

AUCTORE SANCTO EPHRÆM ARCHIDIACONO,

INTERPRETE ANONYMO.

Hæc est pars *Vite sancti Abrahæ*, quæ habetur supra, col. 281.

CAPUT PRIMUM. — Volo autem, dilectissimi, una-
niuersitate vestre etiam aliud admirandum negotiun, quod in senectute sua vir beatus gessit, enarrare. Est enim sapientibus ac spiritualibus viris plenum aedificationis, nec non humilitatis atque compunctionis exemplum. Res vero gesta hujuscemodi est:

CAP. II. — Habuit vir beatus Abraham carnis propinquitate germanum: quo defuncto, unica filia ejus annorum septem relinquitur. Quam cum paren-

tibus orbata molli animique patris ejus vidissent, patruo ejus sine mora producunt. Cumque eam senior cerneret, in celso sua exteriori jubet inclusi. Erat autem in medio utriusque cellulæ fenestra permodica, per quam docebat eam psalterium aliasque scripturas, et cum eo **369** in laudibus Domini vigilabat, et psalmos nihilominus concinebat, atque in omni abstinentia emulari suum patrum nitebatur. Alacriter quoque in arrepto instituto proficiens,

universas virtutes animi festinabat implere. Vir namque sanctissimus incessanter pro ea cum lacrymis Dominum deprecabatur, ne mens ejus cura terrenorum actuum implicaretur, eo quod ejus pater moriens infinitas pecunias ei reliquisset : quas mortuo germano, et filia ejus ad se confugiente, confessum famulus Christi distribui jussit egenis atque orphanis. Hæc quoque patruum suum precabatur quotidie, ut pro se Dominum oraret, quatenus a cogitationibus pessimis et diversorum laqueorum diaboli eriperetur insidiis. Constanter igitur instituti sui regulam obtinebat. Exsultabat autem patruus ejus, quod sic eam promptam sine ulla hæsitatione in cunctis virtutibus cœneret promoveri, in lacrymis scilicet, in humilitate, in modestia, in quiete ; et quod his sublimius est, erga Deum exiinia charitate. Viginti siquidem annis cum eo in abstinentia degens, velut agna pudicissima atque incontaminata columba convixit. Quo tempore annorum expleto, sæviebat adversus eam diabolus, et insidias solitas prætendebat, quomodo eam posset suis cassibus irretire, ut saltem sic modestiam sollicitudinemque beato viro posset iacutere, et quantulumcuque mentem ipsius a Domino separare.

CAP. III. — Erat autem quidam professione tantummodo monachus, qui sub obtentu seditionis ad eum sæpius pergere solet. Sed et illum beatam per fenestram nihilominus contemplando, luxurie stimulis agitatus, cum ea colloqui cupiebat, amor namque libidinis cor ejus quasi ignis succederat. Insidiabatur ei quoque multo temporis spatio, ita ut unius anni circulus volveretur, donec cogitationem ejus verborum suorum mollitie enervaret. Denique aprius cellæ suæ fenestram, egreditur ad eum, qui eam protinus scelere iniquitatis atque libidinis contaminavit ac polluit. Postquam vero tanti peccati facinus perpetrat, expavit cor ejus; consindensque cilicium quo erat induita, faciem suam manibus verberabat, cupiens nimio moerore se morti tradere. Atque anxietatis oppressa pondere, dum deliberationis portum non cernet, diversis cogitationum æstibus fluctuabat; plangebatque se non esse quod fuerat, et cum ejulatu sæpius proferens : Ego, inquit, jam me ex hoc mortuam sentio : perdidi dies meos et laborem abstinentiae meæ, orationum lacrymæ, vigilarumque opera ad nihil sunt deducta; Deum meum exacerbavi, et meipsam interremi. Heu me miseram ! omni lacrymarum fonte plangendam ! Sanctum patruum meum amarissimo moerore depressi, opprobrium animæ meæ operuit me, illusio diaboli facta sum. Quid mihi infeli ci jam ultra vivere ? Heu me ! quid ergi ? Heu me ! quid factum est inihi ? Heu me ! quid mali perpessa sum ? Heu me ! unde et qualiter corrui ? Quomodo obscurata est mens mea ? Non intellexi quomodo lapsa sum, non cognovi quomodo contumaciam sum, nescio quomodo cor meum nubes tenebrosa conterxit, quomodo potui ignorare quid gerarem ? Ubi abscondar ? vel quo pergam,

A aut in quam soveam memetipsam præcipitem ? Ubi est magisterium sanctissimi patrui mei ? Ubi monta collegæ ejus Ephraem ? qui me docebant in mea virginitate perdurare, exhortantes ut impollutam animam immortali spense servarem. Sponsus eternus, dicebant, sanctus et zelans est. Heu me ! qui agam ? Non audeo jam coelum aspicere, cum apud Deum et homines me mortuam esse cognoscam. Jam enim ad fenestræ illum propinquare non audebo. Quomodo ego peccatrix et plena immunditia sorribos rursus cum sancto patrulo meo loqui tentabo ? Quid et si ausa fuero, nonne ignis ex fenestra exsillet, qui me confessum exuret ? Melius est ergo mihi abiisse in aliam patriam, ubi nullus est qui me possit agnoscere, eo quod semel jam mortua sim, nec ultra mihi spes salutis relicta sit. Consurgens autem, protinus perrexit in aliam civitatem, atque in stabulo (2) se quodam, mutato pristino habitu, collocavit.

CAP. IV. — Verum cum hæc ruina præfates feminæ contigisset, hujusmodi visio beato viro ostenditur per soporem. Vedit namque draconem terribilem atque immanem, aspectaque ipso fætidissimum, et in fortitudine sibilante, quasi excentum de quoddam loco, et usque ad cellulam suam veniente, et raperrisse ibi columbam, atque glutinose eam, et rursus in suam soveam remensse. Expergesfactus autem, contristatusque vehementer, flevit aencre; existimans Saluare persecutionem aduersus Dei Ecclesiam concitari, et plorosque a fide veritatis averti, vel ne sehisima aliquod in sancta Ecclesia gigneretur. Provolvutus itaque genibus, precatus est Dominum, dicens : Tu qui es præsarius universorum Deus, amator hominum, ta nosti quid sibi velit hæc visio. Rursum post duos dies, vedit eundem draconem simil modo ad cellam suam venisse, et posuisse caput sub petibus ejus, suisque disruptum; columbam vero **370** illam quam devoraverat, vivam in ventre ejus reportam; et extendisse manum suam, vivamque eam recepisse. Expergesfactus autem, vocabat beatam illam semel atque iterum, putans eam in cellula esse, et dicebat : Gur te pignit, filia Maria, sic etenim fuit vocata, jam duobus diebus os tuum in Dei laudibus aperire ? Sed cum responsum ei nullum daretur, et quod eam per biduum paallentem solito more non audiret, animadvertisit visionem suam ad illam certissime pertinere. Tunc ingemuit ac flevit amare; et profundens lacrymas, ait : Heu me ! quia agnam meam lupus crudelissimus rapuit, et filia mea captiva effecta est. Exultans quoque vocem suam, cum lacrymis dixit : Salvator mundi Christe, converte ad me agnam meam Mariam, atque in ovile vitæ eam restitue, ut non senectus mea cum moerore de hoc mundo recedat. Ne despicias deprecationem meam, Domine, sed mitte velocias gratias tuas, ut ejicias eam de ore draconis incolamem. Itaque duo dies qui ei per visionem revelati sunt, duorum annorum curriculo fluuntur, quibus fabrica eam vitam nepit ejus, quasi in ventre atrocissimi

draconis exegit; sed sanctus homo per omne tempore die noctuque nunquam pro ea Dominum deprecando animum relaxavit.

CAP. V. — Post duos vero annos, cum ubi esset et quemadmodum se gereret comperisset, rogabat quendam sibi notissimum ut usque ad eam pergeret, et cuncta cognosceret diligenter. Pergens itaque ille quem miserat, et omnia sub veritate, et quia ipsam quoque vidisset, renuntians, rogatus a sancto viro, habitum ei detulit militarem, et equum ad sedendum. Ostio itaque patefacto egreditur, statimque habitu militari induitur, camelauchium (5) quoque longum capiti suo, ut facies ejus velaretur, imposuit; sed et solidum denariorum unum secum portans, ascendensque equum, concitus properbat. Tanquam quispiam patriam cuiuslibet vel civitatem cupiens explorare, habitum incolarum loci illius, ne facile agnoscat, assumit: sic beatus iste Abramini inimici habitu, ut eum in fugam verteret, utebatur. Venite igitur, admiramini dilectissimi fratres, hunc secundum Abramum. Primus quidem Abramus egressus ad prælium regum, percutiensque eos, Loth ne potem suum reduxit: hic vero secundus Abramus contra diabolum profectus est ad bellum, ut eo de victo, neptem suam cum majori triumpho revocaret.

Itaque cum pervenisset ad locum, divertit in stabulum; ac sollicitis oculis buc atque illuc circumspiciens, ut eam videret, perquirebat. Deinde cum multa hora præterisset, et videndi eam minime tribueretur occasio, subridens, ait ad stabularium: Audivi, inquit, o amice, quod habes puellam optimam; quam si juberes, libentissime pviderem. Qui cum ætatis ejus intueretur canitatem, et senectutem annorum numerositate jam fessam, quod ob luxuriam eam videre cuperet non sperans, sic responsum dedit: Est, inquit, ut tibi compertum est, etiam supra modum speciosa. Erat siquidem Maria hæc pene supra quam natura exegit, formæ pulchritudine decora. Cumque senior nomen ejus requireret, Mariam vocari ille respondit. Tunc hilari vultu: Quasso, inquit, ut mibi præsentiam ejus exhibeas, ut possim eum ea hodie epulari, multum namque ex auditu comperi ipsam laudari puellam. Quæ cum vocata adesset, atque in habitu meretricum sanctus eam patruus ejus vidisset, pene totum corpus ejus præ dolore solutum est, amaritudinemque animi læto vultu celavit; et lacrymas erumpentes virili sexu retinuit, ne forte si eum feminina cognovisset, fugæ præsidium flagitaret.

CAP. VII. — Residentibus itaque eis atque bibentibus, cœpit cum ea vir mirabilis ludere. Quæ consurgens, complexa cervicem ejus, osculis demulcebat. Cumque oscularetur eum, odorata ejus corporis sculum suavissimo odore abstinentiæ fragrare, recordata est dierum quibus cum summa abstinentia vixerat; et quasi quodam telo percussa in animo vehementer ingemuit, lacrymasque profudit; et tanquam vim cordis non sufferens, in hæc verba prorupt: Væ, vae mihi miseræ soli! Tunc stabularius

A stupefactus, ait: Quid est, domina Maria, quod subito in tam gravissima suspitia prorupisti? Hodie duobus annis hic permanes, et nunquam ex te genitus vel tristior sermo auditus est: nunc vero quid tibi contigerit, nescio. Quæ respondit ad eum: Beata essem, si ante triennium suissem defuncta. Ad hæc beatus senior, ne agnosceretur, veluti cum quadam serenitate ait ad eam: Modo cum lætitia nos intersumus, tu peccata tua commemorare venisti? O admiranda clementiae tuae dispensatio, Deus altissime! Putasne puella non dixit in corde suo, Quomodo aspectus viri hujus, patrui mei aspectum similat? Sed solus tu amator hominum, Deus, a quo est omnis bona sapientia, ita dispensasti, ne eum posset agnoscere, et fortasse confusione turbata effugeret. B Hoc autem non ob aliud est credendum, nisi quia lacrymæ famuli tui, patrui ejus, hujuscemodi apud 371 te obtinuere locum, ut ex impossibilibus possibilia facere dignareris. Proferens itaque sanctus vir solidum quem attulerat, stabulario dedit, dixitque ei: Fac nobis, quæso, amice, optimam cœnam, ut cum puella epulari possim; longi namque intervallo, amore ejus adveni. O vera sapientia secundum Deum! o vere intellectus spiritalis! o vere prædicanda salutis discretio! quinquaginta annis abstinentiæ suæ nequaquam panem gustaverat; nunc carnes sine hæsitatione, ut salvaret animam perditam, manducavit. Sanctorum angelorum chorus, super hac discretione beati hujus ovans, vehementer stu-puit, quæ alacriter sine ulla dubitatione manducavit C ac bilit, ut animam in limo desixam abstraheret. O sapientia sapientum, et intellectus intelligentium! O discretio discernentium! Venite, admiramini super hac imperitia, venite, expavescite super hac differentia, quomodo perfectus hic et sapiens ac discretor et prudens, idota et indiscretor effectus est, ut ex ore leonis animam absorptam erueret, et ex vinculis et carcere tenebroso animam abstrusam ac vincitam absolveret.

CAP. VIII. — Igitur postquam epulati sunt, provocabat eum puella ad cubandum, ut in cubiculum introirent. At ille: Eamus, inquit. Cumque introisset, cernit lectum in sublime stratum, in quo statim re-sedit alacriter. Quomodo te appellem, vel quomodo te nominem, perfectissime athleta Christi, vehementer ignoro. Continentem te asseram, an incontinentem? sapientem, an insipientem? discretorem, an indiscretorem? Quinquaginta annos conversationis tuæ, super psalathium (4) cubitaveras; et quomodo nunc super hujuscemodi lectum constanter ascendis? Sed hæc universa fecisti ad laudem et gloriam Christi, et mansionum iter longissimum arripiendo, et carnes comedendo, et vinum bibendo, et in stabulum divertendo, ut salvares animam perditam. Nos autem si saltē verbū utilitatis loqui cum proximo volumus, cuncta importune discernimus.

CAP. IX. — Sedente eo itaque super lectum, ait ad eum puella: Veni, domine, ut calceamenta de pedibus tuis auferam. At ille ait ad eam: Obsera, inquit,

ostium diligenter, et abstrahes ea. Volebat vero puella primo discalceare eum; sed cum ille non patetur, obseratis ostiis venit ad eum. Cui senior: Domina, inquit, Maria appropinqua mibi. Cumque appropinquasset, tenuit firmiter manum ejus, quasi qui putaretur osculari eam. Auferens quoque camelachium a capite suo, et crumpens vocem in fletum, ait ad eam: Filia mea Maria, non me agnoscis? viscera mea, nonne ego sum qui te nutriti? quid tibi factum est, o filia mea? quis te interfecit? ubi est ille habitus angelicus quem habebas, filia mea? ubi est continentia? ubi fletus? ubi vigilia? ubi chameuinæ (5)? A celsitudine cœli in hanc foveam quomodo devoluta es, filia mea? cur, quando peccasti, non mihi indicasti? non mihi illico retulisti? et ego certe pro te pœnitentiam agerem cum dilectissimo meo Ephræm. Quare sic fecisti? aut quare me ita descruxisti, et in hanc me mortitiam intolerabilem deduxisti? Quis autem sine peccato est, nisi solus Deus? Cumque hæc aliqua nulta dixisset, tanquam lapis immobilia in manibus eius remansit, timore pariter et confusione suppleta. Rursus autem beatissimus vir cum lacrymis adjecit, dicens: Non loqueris mihi, o filia mea Maria? Non loqueris mihi, pars viscerum meorum? nonne propter te, filia mea, hue adveni? Super me sit hoc peccatum, o filia mea; ego in die judicii pro te reddam rationem Domino, ego pro peccato hoc satisfaciam Deo. Usque ad medium itaque noctis hujuscemodi verbis consolabatur eam, et cum lacrymis uberrimis admonebat. Cumque parumper fiduciam percepisset, taliter flens ad eum locuta est: Non valeo te, inquiens, propter confusio-
nem vultus mei attendere. Et quomodo possum orationem Deo fundere, quando sic immunditia coenii hujus polluta suni? Et sanctus vir ad eam: Super me, inquit, sit iniquitas tua, o filia mea; ex manibus meis peccatum hoc Deus requirat: solummodo audi me, et veni, eamus in locum nostrum. Ecce enim et charissimus Ephræm pro te nimium dolet, tuique causa sedule Dominum deprecatur. Noli diffidere, filia, de clementia Domini; licet tua sint peccata velut montes, sed illius misericordia omnem supereminet creaturam. Sicut legimus, accessit mulier immunda ad mundum, et non eum inquinavit, sed ab eo potius ipsa mundata est: lacrymis pedes Domini lavit, capillisque suis extersit (*Lucæ vii*). Si potest scintilla pelagus inflammare, possunt et peccata tua ejus munditiam inquinare: non est novum cadere in luctamine; sed malum est jacere dejectum. Revoca unde extuleras pedem fortiter: te cadente risit inimicus, sed fortiorum te sentiat resurgentem. Misericere, quæso, senectutis meæ; doleas pro canitie meæ labore, obsecro, et exsurgens, veni ad cellulam mecum. Noli timere; lubricum enim est genus mortalium: sed sicut citius cadit, sic iterum velocius per Dei adjutorium surgit, qui peccantes non vult mori, sed sanari et vivere (*Ezech. xviii*). Illa vero 372 ait ad eum: Si scis quia pœnitentiam agere possum, et satisfactionem meam suscipiat Deus, ecce ut ju-

A bes, veniam: præcede, et ego sequar sanctitatem tuam, et exosculor vestigia tua, quia sic super me doluisti, ut ex voragine immunditiae hujus educeres me. Et ponens caput suum ad pedes ejus, tota nocte fletbat, dicens: Quid tibi, Domine, Deus meus pro omnibus his retribuam?

CAP. X.— Diluculo autem facto, ait ad eam beatus Abraham: Surge, filia, et eamus hinc ad cellulam nostram. Quæ respondens, dixit ad eum: Habeo hic modicum auri, et aliquid vestimentorum, quid de his jubes fieri? Respondens autem beatus Abraham, dicit: Relinque hic omnia hæc, quæ ex parte maligni quæsita sunt. Et surgentes exierunt. Statimque imponens eam super equum, trahebat præcedens, quemadmodum pastor cum invenit ovem perditam, cum

B gaudio super humeros suos tollit (*Luc. xiii*); ita beatus Abraham gaudens in corde suo iter cum nepte faciebat. Cumque venisset ad proprium locum, illam quidem ubi ipse fuerat, interiori cellula reclusit, ipse vero in cella exteriori permansit. Hæc itaque induita cilicio, in humilitate animi et cordis atque oculorum fletibus perdurabat, vigiliis quoque atque arctissimis abstinentiæ laboribus semetipsam conficiens, et cum modestia et quiete ad Dominum indesinenter proclamans, facinus proprium spe firmissima venia plangebat, tam sapienter jugiter obsecrationibus vacans, ut nullus, quamvis sine visceribus, non compungeretur, cum voces fletus ejus audiret. Quis enim sic immisericors est inventus, qui lamentantem eam agnoscens, ipse quoque non feret? Aut quis de ejus vera cordis compunctione non egit gratias Deo nostro? Pœnitentia siquidem ejus, si nostris supplicationibus comparetur, omnem mensuram doloris exceedit. Sic enim impensis Dominum precabatur ut sibi ignosceretur quod gesserat, ut etiam signum, si suscepta fuisset ejus pœnitentia, divinitus postularet. Clementissimus itaque Deus, qui neninem vult perfire, sed omnes ad pœnitentiam reverti (*I Tim. n*), ita condignam satisfactionem ejus recepit, ut orationibus ejus post triennii plenitudinem sanctas plurimis redderetur. Impensis namque ad eam turba populi confluens, quæ pro illorum salute Dominum efficaciter precabatur.

CAP. XI.— Beatus autem Abraham alias decem annos in hac vita perdurans, et cernens optimam pœnitentiam ejus, glorificansque Deum, septuagesimo vitæ suæ anno quievit in pace. Quinquaginta siquidem annos magna cum devotione atque humilitate cordis et charitate non sicta, institutum suum implevit.

CAP. XII.— Personam hominis nunquam accepit, sicut apud plurimos fieri consuevit, ut unum quidem amore præferant, alium vero despiciant, neque regulam abstinentiæ suæ mutavit, non pigritia obtorpuit, non segniter egit, sed ita semper exstitit quasi quotidie moriturus. Hic fuit modus beatissimi Abraham, et hæc conversatio et certamina tolerantia ejus. Ita enim in certaminis acie contra adversarium stetit, ut nequaquam se post tergum converteret; sed neque in tribulationibus quas in vico perpessus est, neque

in p̄eāto cum phantasias dæmonum dimicans, relataxavit animum suum, vel in aliquo trepidavit. Maxi-
mum autem aliquid admirabile certamen hoc fuit, quod erga beatissimam Mariam gessit, quomodo per sa-
pientiam spiritualem, prudentiam, inquam, et im-
peritiam, per indifferentiam et incontinentiam de
voragine iniquitatis eam abstraxit. O miraculum! In
ipsum cubile draconis ingressus est, ibique eum
pedibus conculeavit, et ex medio dentium ejus
escam eripuit. Hi agones et sudores beati viri exti-
terunt.

CAP. XIII. — Et hoc quidem ita conscribimus ad consolationem et devotionem omnium qui volunt pie et alacriter vitam suam instituere; et ad laudem et gloriam Dei, cuius gratia affluenter nobis cuncta quæ opportuna sunt conceduntur; in alio vero volu-
mine reliquas ejus virtutes descripsimus. Hora autem illa quando quietit migraturus ad Domum, pene universa civitas congregata est. Et unusquisque eorum cum omni devotione castissimo ejus corpori appropinquans, benedictionem sibi ex vestimentis ejus diripiuit. Et si in quoconque languore id quod direptum est contigit, sine aliqua mora sapitas subsecuta est.

CAP. XIV. — Vixit etiam Maria alias quinque annos, sive supra modum vitam suam instituens, et diebus ac noctibus in lamentatione magna lacrymis-
que perseverans, Dominum precabatur, ut plerique prætereunte locum illum per noctem, et audientes vocem fletum ejus, nihilominus verterentur in plancium, et fletum suum ejus fletu copularent. Hora autem dormitionis ejus, qua ex hac vita assumpta est, omnes qui viderunt eam, propter splendorem virtutis ejus, gloriam Domino retulerunt.

CAP. XV. — Heu mihi (6), dilectissimi, quoniam hi quidein dormierunt, et ad Dominum cum omni fiducia perrexerunt; quorum mens in nullo prorsus mundanis negotiis colligata est, sed in sola Domini charitate. Ego 373 vero impromptus atque imparatus mea voluntate permansi, et ecce comprehendit me

A hiems, et infinita tempestas nudum me atque apoliatum absque perfectione honorum operum inveniet.

CAP. XVI. — Admiror in meinetipo, charis-
simi, quomodo quotidie delinquo, et quotidie pa-
nitentiam ago; per horas sedisco, et per horas
constructa suberto. Ad vesperam dico: Sequenti
die peniteo; mane autem facto, elatus diem præ-
tero. Rursus ad vesperam dico: Noctu vigilabo,
et cum lacrymis obsecrabo Dominum, ut peccatis
meis propitiis sit; cum autem nox advenerit, somno
potius occupor. Ecce qui necum accepert pecu-
niam die ac nocte negotiari contendunt, ut et lau-
dem præconii consequantur, et decem civitatibus
præsint; ego ob pigritiam meam occultavi eam in
terra, et Dominus meus propinquavit venire; et ecce
B contremiscit cor meum, et defleo dies negligenter
meæ, non habens quædam excusationem obtendam.

CAP. XVII. — Miserere mei, qui solus sine peccato es Deus, et salvum me fac, qui solus benignus es et clemens; quia præter te benedictum Patrem, et uni-
genitum Filium tuum qui incarnatus est propter nos,
et Spiritum sanctum qui vivificat omnia, alium nes-
cio, neque in alium credo. Et nunc memento mei,
amator hominum, et deduc me de carcere iniquita-
tum mearum, quia utrumque tuum est, Domine, et
quando voluisti me in hunc mundum intrare, et
quando ex eo migrare præcepérис. Memorare mei in-
defensi, et salva me peccatorem; et gratia tua, quæ
mihi in hoc sæculo opulatio, refugium, et gloriati-
facta est, ipsa me sub alas in illa die horrenda atque
terribili protegat. Tu enim agnoscis, qui es scrutator
cordis et rerum, quod multas pravitates et scanda-
lorum trahentes, impudentium vanitatem et heretico-
rum defensionem contempsi. Et hoc non ex me, sed
ex gratia tua, per quam illuminata est mens mea.
Unde obsecro, sancte Domine, salva me in regno
tuo, et dignare me benedicere cum omnibus qui pla-
cuerunt ante te, quoniam decet te gloria, adoratio et
magnificentia, Patrem et Filium et Spiritum sanctum.
Amen.

ROSWEYD: NOTATIO.

(1) *Mariae meretricis.*] Festum hujus in nullis ta-
bulis ecclesiasticis invento certo die assignatum, nisi
quod in Mezeis 29 Octobris Maria Abrahæ jungitur.
Et simul hactenus Vita Abrahæ et Mariae neptis ejus
impressa fuit, auctore Ephræm. Distinxii, ut viros
ascetas a feminis ascetriis separatos haberemus.

(2) *Stabulo.*] Id est diversorio vel meritorio. Unde
infra, cap. 6, *stabularius*.

(3) *Camelauchium.*] Ita legendum. Editi, *calaman-
chum, id est pileum.* Occurrit et infra, capite 9, ubi
Coloniensis editio, *calamanen* habet. Vide Ono-
masticon.

(4) *Super psathium.*] Vetus editio, *super humi-
spatum.* Sed jam ante sepius in aliis Vitis psathium
occurrit, ut de lectionis veritate nullum sit dubium.

(5) *Chameunæ.*] Vetus editio, *continentiae.* Colo-
niensis, *camenæ.* Vera lectio, quam dedi. Sunt
χαμενιαι, humicubationes. Supra, Vita Abrahæ,
cap. 18, *chameuniæ quoque et contritione corporis
numquam omnino lassatus est.* Vide Onomasticon.

D (6) Heu mihi.] Tria sequentia capita desunt tam
apud Ephræm, tom. III, in Vita Abrahæ, nec se ea in
Græcis exemplaribus reperisse testatur Ephræmi in-
terpres Vossius, quam apud Metaphrastem, tomo VI
Lipomani, et tomo II Suri. Debeat etiam in Ma-
nuscriptis nostris. Sed quia Coloniensis editio hæc
habet, etiam expressi. Vossius existimat clausulas
has, ex aliis Ephræmi locis, quibus similia quædam
habet, concinnatas esse.